

Lëtzebuenger Jongbaueren a Jongwënzer a.s.b.l.

Den neie President stellt sech vir

Am Nationalkomitee vum 11. Oktober 2011 gouf de Jeff BOONEN eestëmmeg zum neie President vun de Lëtzebuenger Jongbaueren a Jongwënzer gewielt. De Jeff iwwerhëllt deemno d'Responsabilitéit vun eiser Jugendorganisatioun, déi zënter Oktober 2007 vum Christian HAHN gedroe gouf.



Am Numm vum Komitee huet de Jeff (l.a.B.) sengem Virgänger Christian Hahn e grouse Merci fir seng Aarbecht am Intressi vun de LJB&JW ausgedréckt

Ech si 26 Joer al a wunnen zesummen mat menger Verlobter, dem Joëlle, zu Schweech. Meng Elteren hunn e Mëllechveibetrieb mat Biogasproduktioun am Schweecherdaul. Ech sinn deen eelsten vu 4 Kanner.

Formatioun a Beruff

Ech war zu Dikkrich am LCD an hunn duerno zu Louvain-la-Neuve Agronomie studéiert. Während deene 5 Joer Studium hunn ech et genoss, fir nei Iddien an nei Leit kennen ze léieren. An dëser Zäit ass och mäin Interêt un der Agrarpolitik ëmmer méi gewuess. Dofir hunn ech mech bei menger Ofschlossaarbecht ganz intensiv mam Auslaf vum der Mëllechquoteregulung beschäftegt.

Haut schaffen ech am Lycée Technique Agricole zu Ettelbréck als Agraringenieur am Gringland-Versuchswesen an un engem europäisches Interreg-Projet mam Numm Dairyman. De Programm huet zum Zil, d'Mëllechveibetrieb a Punkto Nährstoffeffizienz ze optimiséieren. Dëst Zil soll iwwer den Austausch tëschent europäische Betriber, Beroder a Wëssenschaftler erreecht ginn.

A menger Fräizäit probéieren ech esou gudd ewéi méiglech, fir doheem am Betrib vu mengen Eltere matzeschaffen. Ech well mech ganz mat der praktischer Aarbecht am Betrib vertraut maachen, fir gudd virbereet ze sinn, fir spéiderhin selwer e landwirtschaftliche Betrib

ze leeden. D'Aarbecht an der Natur a mat den Déieren, eegestänneg Decisiounen huelen an och all Dag d'Fruucht vu senger Aarbecht ze gesinn, sinn nëmmen e puer Elementer, déi mech um Beruff faszinéieren.

Jonke motivéierte Baueren e Kader bidden an si ënnerstëtzen

Virun 2 Joer sinn ech Member vum Komitee vum regionale Grupp Zenter vun der Lëtzebuenger Landjugend - Jongbaueren a Jongwënzer ginn. Niewent der Bedeelegung un de regionalen an nationalen Aktivitéiten vun eise Jugendmouvementer, hunn ech mech vun deem Moment un aktiv an d'Diskussiounen an an de Programm vum Nationalkomitee, respektiv vum Präsidium vun de Lëtzebuenger Jongbaueren a Jongwënzer abruecht.

Et ass wichteg, datt jonk, engagéiert Baueren ënnerstëtzt ginn an datt si e Kader virfanen, an deem si hire Beruf ouni zevill Hürden kënnen ausüben. Et motivéiert mech, fir hir Intressen hei zu Lëtzebuerg ze verrieden a meng Iwwerleeungen zur Agrarpolitik mat an d'Diskussiounen anzebréngen.

Et läit mir och um Häerz, datt déi laangjäreg a gudd Zesummenaarbecht tëschent de Lëtzebuenger Jongbaueren a Jongwënzer an dem OekoZenter Lëtzebuerg weidergefouert gétt. Duerch den Dialog mam OekoZenter kënnen mir d'Mëssverständnisse tëschent Ëmweltorganisatiounen a Landwirtschaft aus der Welt schafen an dem gemeinsamen Zil a Punkto Nohalteg Landwirtschaft zu Lëtzebuerg e gudd Stéck méi no kommen.

Ech huelen d'Erausforderung un a freeë mech op eng gudd Zesummenaarbecht mam Nationalkomitee, dem Präsidium a - virun allem - mat all de Memberen vun de Lëtzebuenger Jongbaueren a Jongwënzer. Zesumme kënnen mir eis Jugendorganisatioun an eise Berufsstand viru bréngen.

Lëtzebuenger Landjugend

Landjugendkalenner 2012

Mir weisen drop hin, datt eng nei flott Oplag vum Landjugendkalenner fir d'Joer 2012 virläit an elo bestallt ka ginn:

um Tel. 44743 - 252, iwwer E-mail: landju@pt.lu
oder mat Hëllef vum Bestellungsformular,
deen ënner www.jongbaueren.lu ze fannen ass.


Präis pro Kalenner: 20,00 €

No der Iwwerweisung op de CCPL-Kont
vun der Lëtzebuenger Landjugend a.s.b.l.

IBAN LU17 1111 2311 3177 0000

kritt Dir de Kalenner an deene beschten Delaien
mat der Post heem geschéckt.

Vermierk: Landjugendkalenner 2012



Jongbaueren- a Jongwënzerdag 2011

Op déi Jonk aus dem Berufsstand lauschteren

*Begréissung duerch de Christian Hahn,
offriedende President vun de Lëtzebuenger Jongbaueren a Jongwënzer*



Eng leschte Kéier stung de Christian an der Fonktioun als President vun de LJB&JW um Riederpult

**Léif Éiregäscht,
Léif Memberen a Frënn vun de
Lëtzebuenger Jongbaueren a Jongwënzer,
Dir Dammen an Dir Hären,**

Am Numm vun de Lëtzebuenger Jongbaueren a Jongwënzer hunn ech d'Éier, fir lech ganz härezech um désjärege Jongbaueren- a Jongwënzerdag ze begréissen. Erlaabt mir awer - éier mir zum eigentleche Programm vum Owend kommen - fir eisen neien Äerzbëschof, de Monseigneur Jean-Claude Hollerich, ze begréissen.

En oppent Ouer fir déi Jonk vum Land

Här Äerzbëschof,

Als Jugendmouvement mat staarke kierchleche Wuerzelen, si mir frou, fir lech haut eng éischte Kéier op eisem Jongbaueren- a Jongwënzerdag wëllkomm ze heeschen. Eis Organisatioun ass bekanntlech nom 2. Weltkrich ënner dem Impuls vu wäitsichtegte Männer an dem Jesuitepater Henri Spoden nei opgelieft, fir jonke Leit aus dem Baueremilieu e Kader ze bidden, an deem se sech organiséiere kënnen, fir hire beruflechen, reliéisen a kulturellen Intressen nozekommen.

Si huet zënterhir ëmmer op d'Ënnerstëtzung vun der Lëtzebuenger Kierch konnt zielen. Déi permanent Fräistellung vun engem Aumônier war - an ass - eng onschätzbar Stëtz fir eng Organisatioun, déi op villen Terrainen tätég ass. Nom Bauerepater Henri Spoden, hu bekanntlech den Abbé Léon Kirsch an duerno den aktuellen Nationalaumônier an nei ernannte bëschoflechen Delegéierten fir d'Pastoral, **eise** Leo Wagener, de Verband staark geprägt. Mir sinn hinnen - an Äre Virgänger,

déi dëst erméiglecht hunn - zu grousssem Respekt verpflichtet.

Här Äerzbëschof, Är Präsenz haut ënnert äis, iwwerzeecht äis, datt Dir en oppent Ouer fir d'Suergen an d'Erwaardungen vun deene Jonken aus dem Baueremilieu hutt.

Huelt deemno dese Bouquet Blummen vun äis un, als Wäertschätzung fir Ären Intressi un de Belaanger vun deene Jonke vum Land.

Gudde Kontakt zu de politesche Verantwortlechen an de Verwaltungen

Dir Dammen an Dir Hären,

No deene leschte Chamberwahlen krute mir bekanntlech nei zoustänneg Ministere an de Beräicher Landwirtschaft an

Nohaltgeket. Mir si frou, datt dee gudden Kontakt, deen eis Organisatioun an der Vergaangenheet mat den zoustännege Ministären an Administratiounen hat, weiderhin oprecht erhalen - jo esouguer ausgebaut konnt ginn - an eis Iwwerleeungen zu de landwirtschaftlechen Thematiken ëmmer nees op oppen Ouer bei de Verantwortleche fonnt huet / fënnt. Am Numm vun de Lëtzebuenger Jongbaueren a Jongwënzer soen ech lech dofir vun dëser Plaz aus e ganz grouse Merci.

Et ass wichteg, datt op d'Jugend gelauschtert gëtt. Ouni si gëtt et keng Zukunft fir d'Lëtzebuenger Landwirtschaft, déi ëmmer nach immens wichteg fir eist Land ass!

Innerhalb vun eiser Organisatioun - an am Speziellen an eisem Decisionsgrupp mam OekoZenter Lëtzebuerg - ass et och zu engem Changement komm. Den Ëmweltberoder Claude Neuberg steet net méi zur Verfügung, sou datt mir nei Weeër mam OekoZenter an d'A gefasst hunn. Mir si frou, datt mir eng gemeinsam Richtung fonnt hunn, déi mir lech den Owend hei kënnen virstellen. An e puer Amenter kommen de Jeff Boonen an d'Mme Fink-Keßler am Detail op dese Punkt zrëck.

Konkret Ëmsetzung vun der Iddi vun der Groussregioun

Ech well dann e puer Wuert iwwert deen neien Agrarcenter verléieren, dee bekanntlech op Perl an Daitchland stoe kënn. Perséinlech sinn ech der Meenung, datt et net esou schlecht ass, datt en op där anerer Säit vun der Grenz gebaut gëtt. Iwwer dese Wee gëtt emol en Zeeche gesat, wat déi



De Christian huet dem Här Äerzbëschof Jean-Claude Hollerich e grouse Merci ausgeschwat, fir säin Intressi un de Belaanger vun deene Jonke vum Land



Grouss war den Intressi un der Thematik vum dësjäreg Jongbaueren- a Jongwënzerdag bei de Vertrieder aus der nationaler a kommunaler Politik, den Akteuren aus der Landwirtschaft an der Oekologie a ville jonke Frënn a Memberen vun de LJB&JW

komplizéiert a laangwiereg Genehmigungsprozeduren hei am Land betreffen.

Et gétt jo vill iwver d'Groussregion geschwat. Abee, de Projet vum Verband sëtzt d'Iddi vun der Groussregioun an d'Praxis ëm. Engem jonken an dynamesche Betriebsleeder ass et schlieslech relativ egal, wou hien sai Fudder hirkritt. Dat wat stëmme muss, dat ass de Präis. Do läit et an den Hänn vum Verband, fir an deenen nächste Joren ze weisen, a wat fir eng Richtung, datt geschafft gétt. Mir hunn dës Léisung

deemno besser als Chance unzehuelen, wéi äis elo Joerelaang iwver d'Decisioun vun den Zoustännegen vum Verband opzereegen.

Merci

Mam Laurent Frantz stelle mir säit dësem Joer de Vizepresident vum CEJA, dem Europäeschen Daachverband vun de Jongbauerenorganisatiounen aus der EU. Dat erméiglecht et äis, fir eis Intressen op europäeschem Niveau ze verrieden an e



D'Mme Dr. Andrea Fink-KeBler, déi den Iwwerleeungsprozess zu den Handlungspisten fir eng nohaltig Landwirtschaft zu Lëtzebuerg iwver d'Joer duerch begleet huet, huet d'Schlussdokument mat grousssem Fachwëssen virgestallt



De Präsidium vun de LJB&JW ka mat Stolz op e weideren interessante Jongbaueren- a Jongwënzerdag zrëckblécken: v.l.n.r. Jeff Boonen, Christian Hahn, Jean-Michel Neser, Charel Schiltz, Charel Etringer, Laurent Frantz
Vill weider Informatiounen a Fotoen zum dësjäreg Jongbaueren- a Jongwënzerdag fannt Dir ënner www.jongbaueren.lu

gewëssen Impakt op déi Europäisch Agrarpolitik ze hunn. Mir soen him Merci fir säin Engagement am Intressi vun der nationaler an europäischer Landwirtschaft.

Loosst mech zum Schluss nach e puer weider Mercien ausschwatzen, fir déi respektiv moralesch a finanziell Ënnerstëtzungen, déi eiser Organisatioun zegutt kommen:

- un déi Verantwortlech vum Landwirtschafts-, dem Nohaltegkeets- an dem Familljeministär;
- un eis zoustänneg Verwaltungen;
- un all déi landwirtschaftlech Organisatiounen, un de Lycée Technique Agricole a speziell un d'Mme Direkter Martine Hansen, datt si äis d'Raimlechkeeten iwver d'Joer erduerch an och haut zur Verfügung stellt;
- un de Bistum
- a besonnesch un eisen Nationalaumônier, den Abbé Leo Wagener, ouni dee mir net auskomme géifen. De Leo ass d'Häerz vun eisen Organisatiounen - de Lëtzebuenger Jongbaueren a Jongwënzer, der Lëtzebuenger Landjugend an der ONG. Hien assuréiert de Fongktionnement vun dësen Associatiounen, wou Jonk an Al gären op hien zrëckgréifen.
- Ech well eis Leit an der Zentral am Centre Convict net vergiessen - d'Madame Marie-Rose Kickert an den Här Franz Glodt, deene keng Aarbecht zevill ass, fir äis ze ennerstëtzen.
- E weidere Merci geet un den Aarbechtsgrupp Zuucht an un all déi regional Gruppe vun der Lëtzebuenger Landjugend - Jongbaueren a Jongwënzer, déi dat ganz Joer iwver eng Hand mat upaken, wann si gebraucht ginn.

Virstellung vum neien Nationalpresident vun de LJB&JW

Dir Dammen an Dir Hären,

Wéi Dir an der Invitatioun zum dësjäreg Jongbaueren- a Jongwënzerdag gelies hutt, huet de **Jeff Boonen** d'Fonktioun vum Nationalpresident vun de Lëtzebuenger Jongbaueren a Jongwënzer säit deem leschten Nationalkomitee iwverholl. Ech wëll lech de Jeff kuerz virstellen:

De Jeff huet 26 Joer. Hien huet seng Schoul am Lycée Classique zu Dikrech gemach an huet dono Agronomie zu Louvain studéiert.

Virun ongeféier zwee Joer huet de Jeff sech am regionale Grupp vun der Lëtzebuenger Landjugend - Jongbaueren a Jongwënzer Zenter an de Komitee gemellt an ass gläich drop och am Nationalkomitee an am Präsidium vun de Lëtzebuenger Jongbaueren a Jongwënzer tätég ginn.

Iwwregens war sai Papp zu senger Zäit och scho ganz aktiv bei de LJB&JW. Ech si ganz fest dovun iwverzeegt, datt och de Jeff sech mat Leif a Séil fir d'Intressi vun eiser Organisatioun a fir d'Belaanger vun der Lëtzebuenger Landwirtschaft asetzt. Ech sinn iwverzeegt, datt him déi tatkräffteg Ënnerstëtzung vun all de Memberen vun eiser Associatioun gewëss ass. Ech wënschen him **Bonne Chance!**

Jongbaueren- a Jongwënzerdag 2011

Grousswuert vum Här Äerzbëschof Jean-Claude Hollerich

Léif Leit, ech muss soen, datt ech frou sinn, fir hei ze sinn. Et huet mech besonnesch gefreet, datt gesot ginn ass, datt et **déi éischte Kéier** ass, datt ech um Jongbaueren- a Jongwënzerdag deelhuelen. **Dat wäert ech mir mierken an ech wäert och déi aner Joren derbäi sinn!**

Well - ech fannen et immens flott a wichteg, wat Dir maacht. Et ass nämlech esou, datt Chrëschten sech net a Kierchegebaier sollen isoléieren. Dir wësst, datt ech - zënter datt ech Äerzbëschof gi si - soen, datt Relioun net privat ass. Dat heescht, datt Chrëschten sech mat all deenen anere mussen engagéieren - an engagéieren heescht, seng Meenung soen, nofroen, heiansdo och provozéieren, heiansdo an enger gudder demokratescher Aart a Weis fir d'Saach streide kënnen. Ech mengen dat maacht Dir - **an dofir sinn ech als Äerzbëschof stolz op lech!**

Ech ginn elo net op d'Thema vum Owend an (Handlungspisten für eine nachhaltige Landwirtschaft in Luxemburg), well do géif ech mech blaméieren. Do lauschteren ech elo guut no, fir méi iwwert déi konkret Situatioun vun de Baueren - an de jonke Baueren - hei zu Lëtzebuerg ze léieren. Well et interesséiert mech!

Mat de Féiss um Buedem no neie Weeër sichen

Eng Wichtigkeet, déi een net d'äerf vergiessen - ech hunn elo bal 20 Joer a Japan gewunnt, a wann een dann op Lëtzebuerg zrëckkënn, gesäit een - datt d'Gesellschaft sech awer immens entwéckelt huet. A wann een dann déi ganz Finanzkris gesäit, do schéngt et engem, wéi wann een einfach d'Féiss vum Buedem verluer hätt. Do musse mir äis Froe stellen, wéi et mat eiser Gesellschaft weider geet. Froe stellen heescht net, der Vergaangenheet nozkräischen. Dat ass onméiglech. Dat wëlle mir net. Mee mat de Féiss um Buedem no neie Weeër sichen.

An all Lëtzebuurger Famill - och a menger eegener Famill - wann een e puer Generatiounen zrëckgeet - do komme mir alleguer bei d'Baueren. Dat hu mir vergiess - an dat ass schlecht! Well, wa mir äis dat nees bewosst ginn, da kréie mir nees méi Erdhaftegkeet a mir léiere vläicht nees, wéi ee rechne muss, wéi ee Ressourcen, déi jiddereen huet - a jiddfer Famill - wéi een déi benotze kann.

Dir sidd an deem Sënn wichteg - och well Dir äis an d'Gediechtnes rufft, wee mir eigentlech sinn a vu wou mir kommen. A wien dat vergësst an d'Nues héich dréit, dee fällt gären op de Mond.



Den Här Äerzbëschof Jean-Claude Hollerich huet de Jongbaueren- a Jongwënzerdag a säin Agenda opgeholl...

Eng nei Aarbecht op enger méi breeder Plattform fir de Leo

Dir hutt elo de **Leo Wagener** ganz gelueft. Dat ass flott. Gläichzäitig hu Dir ugedeit, datt e bis elo Aumônier bei de Jongbaueren a Jongwënzer war. Dat stëmmt, **bis elo!** Well - vu datt e guut Aarbecht geleesch huet, ass et wichteg, datt en déi Aarbecht op enger méi breeder Plattform mécht - fir déi ganz Kierch vu Lëtzebuerg, am Bëschofsrot, als Bëschoflechen Delegéierten fir all pastoral Froen.

Mam neien Aumônier Romain Richer zesumme wuessen

Dat heescht awer elo net, datt Dir keen Aumônier méi kritt. An do sëtzt en - de **Romain Richer**. Dir gesitt, en ass nach jonk - an dat ass flott. E ka mat lech zesumme wuessen, e ka mat lech zesummen de Wee goen, fir ee vun deem aneren ze léieren, sou wéi de Leo dat während laange Jore ge-

maach huet. Ech wees datt et lech schwéier fällt, fir de Leo opzeginn. Mee ech mengen, datt dir alleguer verstitt, datt ee bestëmmten Aarbechten a senger Jugendzäit mécht. Da muss een eng Kéier ophalen - et muss een eng Kéier eppes aneshtes maachen. Et kann een net bei de Jongbauere bleiwen, wann een net méi esou jonk ass. **En ass iwwregens nach vill méi jonk ewéi ech - an nach méi dynamesch!**

Mee ech si frou, datt et lech schwéier fällt, fir hien opzeginn. **Dat weist wéi wäertvoll seng Aarbecht war a wéi wäertvoll seng Aarbecht wäert sinn.** Ech freeë mech, datt Dir mam Abbé Romain Richer en neien Aumônier hutt, dee mat lech geet. Hie wäert vernetzt sinn mat der ganzer Jugendpastoral hei zu Lëtzebuerg, déi eng absolut Prioritéit fir mech huet.

An deem Sënn wënschen ech lech alles Guddes. Ech si virun allem hei fir ze léieren an ech freeë mech och dorop. Villmols Merci!




... an huet den ugekënnegte Wiessel um Niveau vun der Aumônerie vun der LLJ - JB&JW bestätegt

Merci Leo

Mat Dankbarkeet denke mir un déi laangjäreg Zesummenaarbecht mam Nationalaumônier Leo Wagener zréck



*E puer Andréck aus dem Schaffe vum Aumônier Leo Wagener:
A jonke Joren mat deemolege Verantwortlechen vun eise Verbänn*



Am direkte Kontakt mat dem Bauerewiesen op der Foire Agricole



Während enger Visite vun engem vun eise Kooperatiounsprojeten am Bénin a Begleedung vu jonke Memberen vun eise Verbänn

An der Versammlung vum Nationalkomitee vun de Lëtzebuurger Jongbaueren a Jongwënzer (LJB&JW) vum 11. Oktober 2011 huet de Leo seng jonke Frënn ugekënnegt, datt hien d'Fonktioun vum Nationalaumônier net méi ausféiere kann, well hien op enger méi breeder Plattform fir d'Lëtzebuurger Kierch tätég gëtt an - ënner anerem - zum Bëschoflechen Delegéierten fir d'Pastoral ernannt ginn ass.

Um dësärege Jongbaueren- a Jongwënzerdag gouf dunn definitiv vum Här Äerzbëschof Jean-Claude Hollerich bestätegt, datt de Leo vun sengem Amt als Nationalaumônier vun eise Verbänn entpflicht gouf. Gläichzäiteg huet den Här Äerzbëschof awer och bekannt ginn, datt den **Abbé Romain Richer** d'Fonktioun vum neien Nationalaumônier vun eise Verbänn iwwerhëlt.

Mir loosse de Leo deemno mat schwéierem Häerz goen. Ëmmerhin huet hien zënter 1991 am Déngscht vun der Jugend aus dem ländleche Milieu gestan. Deemols huet de „**klenge Leo**“ d'Fonktioun vum Abbé Léon Kirsch iwwerholl an huet d'Linn vun de markante Perséinlechkeeten vun eisen Associatiounen weidergefouert.

Déi wichteg Tâche vum Nationalaumônier vun eise Verbänn huet d'Monique Hermes ganz wonnerbar an hirem Artikel ënner dem Titel **Engagierte Aumôniers haben den dynamischen Verband geprägt** beschriwwen. Dësen Artikel gouf am Virfeld vun der Scéance académique, déi de 26. Oktober 2003 am Kader vum 75. Anniversaire vun de LJB&JW zu Colmer-Bierg ofgehal gëtt, am Lëtzebuurger Wort publizéiert.

D'Mme Hermes schreift vum éischten Nationalaumônier, dem Jesuite-Pater Henri Spoden, dat hien 1959 zesumme mat „senge“ Männer, d'Entwécklungszesummenaarbecht an der deemoleger Obervolta ënner dem Motto **Hilfe zur Selbsthilfe** gestart huet an datt dat bedeitend Wierk, dat de wäitsichtege Pater an Afrika ageleet huet, duerch seng béid Nofolger weidergefouert gouf/gëtt.

Wäertvoll Aarbecht am Intressi vun deene Jonken hei zu Lëtzebuerg an dem Bauerestand an Afrika

D'Reporterin erkennt déi wäertvoll Aarbecht, déi d'Nationalaumônieren fir déi Jonk aus dem ländleche Raum duergestallt hunn - a sëcherlech weiderhin duerchstelle wäerten. Si bemierkt deemno: „Doch die Rolle des Aumôniers beschränkt sich beileibe nicht nur auf den - äußerst wichtigen Bereich der Entwicklungshilfe. Seit Pater Henri Spoden ist er bei den Jungbauern und Jungwinzer die **zentrale Figur**, der zuerst einmal Garant der Kontinuität ist. Er wird zum „Gedächtnis“ - oder um im Computerjargon zu bleiben, zur „Mémoire“ - des Verbandes. Ihm fällt die Aufgabe zu, junge Menschen in schwierigen Fragen - etwa beruflicher Art, jedoch auch was Kirche und Glaube betreffen - zu begleiten, denn bei den Jungbauern und Jungwinzer sowie Landjugend steht **der ganze Mensch** im Mittelpunkt.“

Am Gespräch mat der Reporterin huet de Leo seng Aufgab innerhalb vum Verband



An der Schlusspréssessioun mat der LLJ an de LJB&JW

esou beschriwwen: „Op den Aumônier leeft villes zou a vun him geet villes aus. Hien huet d'Méiglechkeet fir Kontakter ze kneppen. Heiandsdo verspiert en och Drock an esouguer Frust, well dat Administrativt erschléit. Dat Spezifesch beim Aumônier vun de Jongbaueren a Jongwënzer ass nämlech, datt hie quasi eng Zort ‚Permanent‘ ass – mat Sekretärsaarbecht a Verwaltung vun der Keess, als Zeitungsredakter, President vun der ONG, éischte

Responsabel fir d'Entwécklungsarbeit a virun allem als wichtigste Punkt och nach zoustänneg fir déi ganzheetlech Begleedung vum Mënsch. An Zukunft dierft dat schwéier ginn!“

Domat ass a kuerze Wieder dat breet Aarbechtsfeld vum Leo beschriwwen ginn. 20 Joer laang huet hien dës Tätigkeet mat vill **Mënschlechkeet, Versteestemech, fachlecher Kompetenz a grousem Engagement**

am Intressi vun deene Jonken hei zu Lëtzebuerg an dem Bauerestand an Afrika assuréiert.

Hien ass awer nach net vun der Fonktioun als President vun der ONG entbonnen a wäert – zumindest bis zur Generalversammlung am Mäerz 2012 – nach esou munch Ënnerschrëft ënner d'Dokumenten vun der ONG musse setzen...

Mat grousser Dankbarkeet denke mir un déi wäertvoll Zäit mam Leo zréck, wou mir – seif dat an de regionale Gruppen, op nationalem Plang, an der ONG oder an der Zentral vun eisen Associatiounen – op d'Ënnerstëtzung, d'Hëllef an seng Rotschléi zréckgräife konnten. Am Numm vun alle Memberen vun der Lëtzebuenger Landjugend, de Jongbaueren a Jongwënzer, der ONG Lëtzebuenger Jongbaueren a Jongwënzer – Service Cooperation a.s.b.l. an der Equipe aus der Zentral am Centre Convict spriech mir dem Leo eis grouss Unerkennung aus a wënschen him a senger neier Fonktioun ganz vill Satisfactioun.

Deen neien **Nationalaumônier Romain Richer** heesche mir häerzlech wëllkomm a wënschen och him vill Freed a Satisfactioun mat deene Jonken aus eise Verbänn.

Carmen Schiltz, Presidentin LLJ;

Jeff Boonen, President LJB&JW;

Patrick Coenjaerts, President LLJ – JB&JW

En häerzleche Bonjour!

Den neien Nationalaumônier vun der Lëtzebuenger Landjugend – Jongbaueren a Jongwënzer freet sech drop, fir de gemeinsame Wee mat deene Jonken aus eise Verbänn ze goen.



Den neien Nationalaumônier Romain Richer um Owend vum Jongbaueren- a Jongwënzerdag 2011

Mäi Numm ass Romain Richer, gebuer de 4. November 1983 zu Esch-Uelzecht. Meng Kandheet hunn ech zu Nidderkärjéng verbruecht. No menger Lycéeszäit sinn ech an de Séminaire agetruede fir mech op d'Priesteramt virzubereeden. No mengem Studium zu Tréier, Paräis a Lëtzebuerg sinn ech de 4. Juni 2011 zum Diakon geweiht ginn. No dem Diakonatsstage am Porverband Beetebuerg-

Hunchereng sinn ech de 17. September 2011 an der Kathedral zum Priester geweiht ginn. Säit dem 21. September sinn ech als Kaploun am Porverband Miersch aktiv.

Virun e puer Wochen huet mech den Här Äerzbëschof gefrot, ob ech Aumônier vun der „Lëtzebuenger Landjugend – Jongbaueren a Jongwënzer“ wëllt ginn. Mat grousser Freed hunn ech dës Aufgab uegoholl!

Ech wäert mech an de kommende Woche guft virbereeden a wäert versichen déi verschidde regional Gruppen an lech all, léif Frënn, kennen ze léieren. Ons all wënschen ech e guft Zesummeschaffen!

Ech si gären Ären Aumônier an ech versichen esou guft, wéi méiglech, fir lech do ze sinn. Ech freeë mech e gemeinsame Wee mat lech all goen ze kënnen!

Abbé Romain Richer

Impressum

Herausgabe:

ACML

5, avenue Marie-Thérèse

L-2132 LUXEMBOURG

Verantwortung:

Aktioun:

Jean-Paul Schneider

44743-251

Fernand Huberty

44743-251

Duerf:

Romain Richer

44 743-562

Franz Glodt

44 743-252

Druck:

Saint-Paul Luxembourg

Erscheinungsdatum:

zehn mal jährléich